

生成皆見元炁受陽之形草木果林經冬  
不零一切濟度靡不鮮榮和與道合真

復爐

香官使者左右龍虎君侍香諸靈官當今  
朝元之所自然生金液丹碧芝英百靈衆真

交會在此香火爐前臣學道得道求仙得  
仙齋主受福幽顯沾恩十方仙童玉女侍衛

蘭煙傳臣向來所啓速達徑御

太上无極大道至真玉皇上帝御前

出戶

太上黃錄齋儀卷之十七

第十四

第十四

太上黃錄齋儀卷之十八

唐廣成先生杜光庭集

特勅為臣下選拔落景行道

入戶

各禮師存念如法

衛靈

五星高耀 瑞炁飛浮 元始集神

天地交周 玉符寶節 嘯命微幽

柳火揚威 奸山無留 萬魔振伏

紛葩却消 摧怪伐惡 道炁同流

神光照夜 陰翳俱收 萬仙降格

扇景乘颺 羣生咸遂 惠遍神州

鳴法鼓二十四通

无上三天玄元始三炁太上老君召出臣身

中三五功曹左右官使者侍香金童傳言玉

女五帝直符直日香官各三十二人出出者

嚴裝關啓玄壇天帝神君當召此間土地里

域真官正神急上關啓臣今奉為入意以今

晚朝行道願得玉清道炁靈寶妙光下降流

入臣等身中即使玄壇清淨內外成具天無

第十五

氛穢地絕妖塵琳琅振響十方肅清萬魔不

干真誠上徹今臣所啓速達徑御

太上无極大道至真玉皇上帝御前

各稱法位

上清玄都弟子臣某等謹同誠上啓

虛无自然元始天尊无極大道太上大道君

高上大道金闕玄元天皇大帝太上老君昊

天玉皇上帝十方已得道大聖衆至真自然

靈寶天尊隨機赴感救苦天尊至真諸君丈

人三十六天帝君玉虛上帝玉帝太帝東華

南極西靈北真玄都玉京金闕七寶玄臺紫

微上宮靈寶至真明皇道君三十六部尊經

玄中大法師五老上帝三元君天地水三官

考校罪福應感真靈臣等伏聞善惡無形惟

人所兆報應無爽猶響隨聲今古循環吉凶

攸繫所以北宮主死南昌領生天地神明詮

功紀過洪纖備舉毫末無遺得不惕勵兢懼

仰遵玄戒由是至真大道无上法玉寶經垂

告謝之儀金簡有懺析之旨一心首悔萬罪

顯銷

皇帝悼念亡靈眷傷幽夜思弘勝福以拯泉  
關式降  
綸言恭修齋直今奉詞旨敢不上聞

讀詞

按如詞言義深遠拔臣等按紫陽玉笈黃籙  
簡文法地象天數壇列纂儼十華之位陳四  
極之儀備法信獻繒香花油燭轉經行道懺  
謝諸天冀真聖之迴光普幽明而介福以今  
落景行道請法衆等運茲初檢上香  
願此香煙騰空徑上供養  
无上至真道寶臣等歸身歸命首體投地仰  
依

太上三尊願以是功德歸流宗桃先聖杜稷  
尊靈騰景王清垂梓寶胤鸞驛遊宴昇汗漫  
以無為鳳曆延洪與乾坤而不極天元昭朗  
地紀寧闕萬國會同羣生遂性今故燒香歸  
依  
師尊大聖來至真之德得道之後昇入无形  
和與道合真  
以今落景行道請法衆等運茲二檢上香

願此香煙騰空徑上供養  
无上至真經寶臣等歸身歸命首體投地仰  
依

太上三尊願以是功德歸流  
皇帝伏冀皇明遠矚睿渥遐覃坐玄扈以凝  
神重觀寶籙俯洪河而展采再揖珍圖地廣  
宏基山齊聖壽后妃嬪御協贊彤廷太子諸  
王昭宣鴻化文武卿佐內屏外藩福祉益新  
徽華克茂三邊靜謐永無關戍之勞八極惟  
康常有梯航之貢于戈戢息疫毒銷亡水旱  
無侵龍神悅豫凶妖不作稼穡有年一切含  
生俱享元吉今故燒香歸依  
師尊大聖來至真之德得道之後昇入无形  
和與道合真  
以今落景行道請法衆等運茲三檢上香  
願此香煙騰空徑上供養  
无上至真師寶臣等皈身皈命首體投地仰  
依

太上三尊願以是功德歸流其官即時冥界  
伏冀丹誠上達玄澤下臨三境元尊放神光

而照燭諸天上聖流惠渥以資薰九泉開昏  
晦之衢六趣息輪迴之苦魂神鍊沐寃債和  
平罪惱俱銷福祥臻萃泊乎三塗冥識七世  
幽靈共沐勝功咸登道果人故燒香歸依  
師尊大聖來至真之德得道之後昇入无形  
和與道合真

禮方

懺悔

三啓

大道洞玄虛 有念無不契 鍊質入仙真  
遂成金剛體 超度三界難 地獄五苦解  
悉歸太上經 靜念稽首禮

三禮

臣等至心稽首禮

太上无極大道

臣等至心稽首禮

三十六部尊經

臣等至心稽首禮

玄中大法師

重稱法位

卷一八

十八

上清玄都弟子臣某等謹同誠上啓

太上无極大道元始天尊太上大道君太上

老君至真自然靈寶天尊隨機赴感救苦天

尊三十六部尊經玄中大法師天師君上相

上宰五老上帝三元君天地水三官三界應

感一切尊靈臣等伏聞大聖開闢元皇梅運

天關化育地紀裁成惟人最靈首出羣品陰

陽遷賢性識波流處身有善惡之殊動靜繫

吉凶之自罪福以之昇降生死以之區分所

以元始天尊諸天大聖垂慈救之旨開採護

之門命五帝四司垂機接引三元衆聖應化

主張天地水官示考校之理陰陽曹吏宣報

對之儀欲使盡契福階俱超罪網而昏迷難

悟滯濁難祛路過垂愆莫紀其極某官差從

積世以泊生前無數劫來轉輪生化或六情

所構三業所爲罪目多端不可記憶或與師

統衆征討四方或秉法持綱糾繩於物或懲

姦剪暴用鉞申威或撫弱遏強行賞示罰或

興工土木犯觸龍神或擣士宴賓宰殺物命

或釣潛弋宿馳騁畋遊或詳舉刑章情有曲

臣等

直或愛憎喜怒肆意任心人有悲嗟鬼有冤

債未嘗祈首積在幽冥三官有罪考之名五

帝有報對之目冥冥夜府折向何由

皇帝軫念幽靈願言遷拔依科格嚴設壇

場神燈散彩於九冥香炷飄芬於三界普諸

天而懺畢禱十極以祈恩伏冀

上聖高尊慈光憫照三官五帝巨澤滂流賜

罔極之恩弘大慈之施無邊之罪咸賜蕩除

即使四極既明十仙汲引出重陰之府詣流

火之庭燥瑩形魂沐浴神爽昇居長樂飛翥

上宮證道參真永離幽夜其有前寃往債隨

念和平積罪餘殃應時銷釋子孫享福女祖

超昇動植飛沉泉鳥苦趣齋功所及並洽休

禎上願日月貞明乾坤安鎮星辰有瑞風雨

無愆大業隆昌聖躬萬壽天枝帝葉八極

以常榮文德武功包九圍而並化干戈自戢

穀稼彌豐域外區中盡登仁壽上明

天尊太慈之澤下副臣等歸命之誠謹啓以

聞

發願

一願大道流行普天懷德二願一切有生成

皆悟道三願九夜悲魂一時解脫四願孤爽

無依咸得受生五願天下太平五穀豐熟六

願臣忠子孝君仁父慈七願四海通同六親

和釋八願潛胞處卵咸得生成九願積疾新

疴旋即痊愈十願孤露衆生豐衣足食

復爐

香官使者左右龍虎君侍香諸靈官當令臣

朝元之所自然生金液丹碧芝英百靈衆真

交會在此香火洞素爐前令臣學道得道求

仙得仙齊主受福幽顯沾恩十方仙童玉女

侍衛蘭煙傳臣向來所啓速達徑御

太上无極大道至真玉皇上帝御前

出戶

太上黃籙齋儀卷之十八